

四庫全書

史部

欽定四庫全書

長安志卷九

宋 宋敏求 撰

唐京城三

朱雀街東第五街即皇城東之第三街街東從

北第一坊盡坊之地築八苑

十王宅

政要先天之後皇子幼則居內東封後以年漸近長乃於安國寺東附苑城同為大宅分院居

之名為十王宅令中官押之於夾城中起居每日家令進膳十王謂慶忠懷鄂榮光儀頴永濟也其後盛壽陳豐恒涼六王又就封入內宅天寶中唯十四王居內而府幕列於外坊歲時通名起居而內外諸孫成長又於

十宅外置字孫院十五宮人每院四百餘人百孫院三
四百人又於宮中置維城庫諸王月俸物納之給用諸
孫婚嫁亦就十宮中太子不居東宮但居於乘輿所幸
別院太子之子亦分院而居婚嫁則同親王公主於崇
仁坊之禮會院也

次南興寧坊

南街東出
通化門

南門之東清禪寺

隋開皇三年文帝為沙門曇崇
所立大中六年改為安國寺

西南

隅開府儀同三司姚元崇宅

屋宇並
官所造

其東本太平公主

宅

後賜安西都
護郭虔瓘

宅北特進王毛仲宅東南隅左衛大將

軍泉男生宅太子少保崔琳宅

琳祖義玄父神慶伯父
神基皆為相其父昆弟

之子洎其自出參朝宴者數十人鳴玉啓華封觀天寶六載

驃騎將軍高力大申報聖寺東觀奏詔宣宗出內藏綿帛建大申報聖寺奉憲皇

后命曰神福殿又以休憇之所為度思殿由複道出造於寺淄清節度使同中書門

下平章事李愬宅賜第

次南永嘉坊

坊南龍首渠一名流水渠隋開皇三年開自東南龍首堰下支分流水北流至長樂坡西北分為

一渠東渠北流入苑西渠屈而西南流經通化門西南流入城經此坊又西南流經興慶宮入西流經勝業坊

崇仁坊景龍觀又西入皇城經少府監南屈而北東北流又經都水監太僕寺內坊之西又北流出城

隅太子太保李綱宅

綱子孫茂盛四代總麻服同居朝廷美之

東門之南侍

中張文瓘宅

後併入單慶宮

宅東兗州都督韋元琰宅

薛王妃父

西

南隅申王撝宅

本中書令許敬宗宅後為元暈壽寺寺廢賜申王撝為宅

宅南贈禮

部尚書永興公虞世南廟

廟北近於興慶宮及廣宮地明皇以世南盛德之祠特勅

不許毀廢街南之西成王千里宅南門之東蔡國公主宅次

東禮部尚書竇希玠宅西北隅涼國公主宅

此坊隋末有方士云

貴氣特盛自武德貞觀之後公卿王主居之多於衆坊公主睿宗女降薛伯陽碑云嫁溫彥博孫曦

次南興慶坊

本名隆慶明皇即位改坊內東南隅有隋禪林寺及中書令馬周尚

書左僕射溫國公蘇良嗣二宅並併入宮地其
後寧王岐王宅亦以益之唐春秋曰開元二十
年毀東市東北角及道政坊西北角廣
花萼樓前之地今以六典參著其事

南內興慶宮距外郭城東垣

武后大足元年睿宗在藩
賜為五王子宅明皇始居

之宅臨大池中宗時望氣者云此池有天子氣故嘗宴
遊此池上已汎舟以厭之南街東出春明門開元二年
置宮因本坊為名四十年又取永嘉勝業坊之半增廣
之謂之南內置朝堂十六年正月以宮成御朝德音釋
徒以下罪二十年築夾城入芙蓉園自大明宮夾東皇
城複道經通化門觀以達此宮次經春明延喜門至曲
江芙蓉園而外人不知也

宮之正門西向曰興慶門南向曰通陽門

北曰躍龍門西南隅曰勤政務本樓

樓南向開元八年
造每歲千秋節酺

飲樓前元和十四年以左右軍健卒二千人修勤政樓其西榜曰花萼相輝樓置宮

後寧王憲申王撝岐王範薛王業邸第相望環於宮側明皇因題花萼相輝之名取詩人常棣之義帝時登樓

聞諸王音樂咸召宮內正殿曰興慶殿即正衙殿也其升樓同榻宴謔

後曰文泰殿

天寶十載作

前有瀛州門內有南薰殿北有龍

池在躍龍門南本是平地自垂拱初載後因雨水流潦成小池後又引龍首渠支分溉之日以滋廣至神龍

景龍中彌亘數頃澄澹皎潔深至數丈常有雲氣或見黃龍出其中本以坊名池俗亦呼五王子池置宮後謂

之龍池拾遺蔡孚作龍池篇以讚其事公卿多和之今雍人相傳呼為景龍池者非是又曰九龍池取老子生

九龍池水之池東有沉香亭松牕錄開元中禁中初種木芍藥得四本上因移於

義以名之

興慶池東
沉香亭前

躍龍門

天寶十三載御躍龍
殿門張樂宴羣臣

左有芳苑門右

有麗苑門勤政樓之北曰大同門其內大同殿

殿前左右有鐘

樓鼓樓天寶七載大同殿柱產玉芝有神光照殿大和三年修大同殿十三間唐畫斷曰玄宗天寶中忽思蜀中嘉陵江山水遂假吳生驛遞令往寫呈及回日帝問其狀奏云臣無粉本並記在心遣於大同殿圖之嘉陵江三百里山水一日而畢時有李將軍山水擅名亦畫大同殿壁數月方畢玄宗云李思訓數月之功吳道玄一日之跡皆極其妙也又畫殿內五龍鱗甲飛動每欲大雨即罩煙霧

門內有翰林院

學士院記曰駕往興慶
宮則於金明門內置院

瀛州門左曰仙

雲門北曰新射殿通陽門東曰明義門門內曰長慶殿

六典所載如此按唐雜說曰明皇為太上皇居
興慶宮每置酒長慶樓南俯大道裴回觀覽
睿武門

又按行中宮
勤政樓東曰明光門
會要太和三年修明光樓
其內曰

龍堂五龍壇
唐王涇郊祀錄曰在
宮內有義安殿
敬宗

太后居積慶殿
文宗母蕭太后徙居興慶宮積慶殿中
書門下奏准義安殿太后故事號積慶

皇太后
冷井殿
懿宗母郭太后崩
宜天門
又有同光承雲
初陽飛軒玉華

等門飛仙同光榮
金花落
在宮之東俗所
傳蓋衛士所居

次南道政坊
隋大業七年
廢有護持寺

北門之西吏部尚書侯君集宅
後為申王府
南門之西尚書

右僕射張行成宅

宅西又有羅國公張平高宅

東門之北工部尚書

劉知柔宅寶應寺

代宗實錄與會要曰本王縉宅縉為相溺於釋教妻李氏實妾也大厯四

年以疾請捨宅為寺代宗嘉之錫以題號每有節度使至輒諷令出錢助之酉陽雜俎曰韓幹藍田人少時常為酒家送酒王右丞兄弟未遇每齋酒漫遊幹常徵債於王家戲畫地為人馬右丞精思丹青奇其意趣乃歲與錢二萬令幹畫十餘年今寺中釋梵天女悉齊公妓小小等寫真也寺彌勒殿即齊公寢堂

次南常樂坊

坊內街之東有大冢俗誤以為董仲舒墓亦呼為蝦蟇陵曲中出美

酒京都稱之國史補曰董仲舒墓門人至皆下馬故謂之下馬陵諺記為蝦蟇陵

西南隅趙景公寺

隋開皇三年獨孤皇后為父趙景武公獨孤信所立酉陽雜俎曰隋本曰

弘善寺至開皇十八年改南中三間裏東壁上吳道玄自畫地獄變相其筆力勁特變狀陰怪覩之不覺毛豎

吳畫中得意處也

南門之西靈花寺

本隋大司馬竇毅宅開皇六年捨宅為寺西陽雜俎

曰本曰大慈大愿初僧儼講經天雨花至地咫尺而滅夜有光燭室勅改為靈花寺儼即康藏之師也街

南之東中書令來濟宅殿中監張九臯宅

九齡和政公之弟

主宅

肅宗女降柳渾

壽州刺史郭敬之宅

子儀父

贈太子太師渾

釋之廟

城之也父也

吏部尚書致仕錢徽宅

洞靈觀

次南靖恭坊

街南之西祆祠西北隅駙馬都尉楊慎交宅

宅南隔街有司農卿

韋珍中書舍人王敬從宅開元中為給事中中書舍人輔國大將軍

符璘宅

璘為昭義軍節度使薛嵩軍副嵩卒田承嗣盜其符璘以衆降焉遂賜靖恭里第一區藍田田

四十項祕書監致仕韋建宅太常卿韋渠牟宅翰林學士

吳通微集書院工部尚書楊汝士宅

與其廩卿漢公魯士同居號靖恭楊

象為冠蓋盛族

魏博節度使史憲誠宅太子太傅崔彥昭宅

秦中

記靖恭崔公尚書為樂卿自靖恭宅露冕從板輿入太常觀者樂之

金州進奏院

次南新昌坊

南街東出延興門

南門之東青龍寺

本隋靈感寺開皇二年立文帝移都徙掘城中陵墓葬之郊野因置此寺

故以靈應為名至武德四年廢龍朔二年城陽公主復奏立為觀音寺初公主疾甚有蘇州僧法朗誦觀音經乞願得愈因名焉景雲二年改為青龍寺北枕高原南望夾壇為登眺之美

崇真觀

本李齊古宅開

元初

吏部尚書裴向竹園

元和中宰相武元衡遇害或告賊匿于新昌坊向之竹林

者

尚書左僕射致仕楊於陵宅

於陵子嗣復孫損官至殿中侍御史家新昌里

其第與宰相路巖居相接巖以狹欲易損馬廐廣之損兄弟在朝者且十數曰時相可拒之邪損曰今尺寸地非吾等所有先人舊業安可以奉權臣

巖

不悅自殿中侍御史命鞠獄黔中

太子少師牛僧

孺宅

其事具安邑坊李吉甫宅下

秘書監張仲宅

次南立政坊

隋有弘化寺大業七年廢按長安圖此坊分為談寧坊非是

讓皇帝廟

禮閣新儀曰開元二十九年建廟於啓夏門內立政坊上元二年禮儀使杜鴻漸請停四

時享獻每至禘祫之月則一祭焉

河東節度使韋湊家廟

大中五年湊孫武昌軍節

度使諤重修廟

次南敦化坊

一作敦教坊按長安圖此坊分爲常和坊非是

東門之北都亭驛南街之北淨影寺

隋文帝爲沙門惠遠立寺額申州刺

史殷仲容所題

東南隅行臺左僕射鄖國公殷開山宅

本隋蔡王智積

宅西門之北祕書監顏師古宅

貞觀永徽間太常少卿歐陽詢著作郎沈越賓

亦住此坊殷顏並南朝舊族歐陽與沈又江左士人時人呼此坊爲吳兒坊

鄭國夫人楊氏

宅武惠妃之母京兆尹韋武宅元和

次南豐樂坊

西南隅法界尼寺

隋文獻皇后為尼華暉令容所立有前隋雙浮圖各崇一百三十尺

橫街之北大開業寺

本隋勝光寺文帝第三子蜀王秀所立大業元年徙光德坊於此置

仙都宮即文帝別廟武德元年高祖徙明昭廢宮立為證果尼寺貞觀九年徙崇德坊於此置靜安宮即高祖別廟儀鳳二年廢宮復立為開業寺

次南安業坊

西南隅資善尼寺

隋蘭陵公主捨宅立

東南隅濟度尼寺

隋太師申國公

李穆之別宅穆妻元氏立為修善僧寺其濟度尼寺本在崇德坊永徽中置宮乃徙於此其額太子少詹事殷令名所題橫街之北息國公主宅睿宗女降鄭孝義

次南唐昌觀

劇談錄曰觀有玉藥花花每發若瓊林瑶樹元和中春物方盛車馬

尋玩若相繼忽一日有女子年可十七八衣綠繡衣垂髻雙環無簪珥之飾容色婉婉迴出於眾從以二女冠三小僕僕皆髻黃衫端麗無比既下馬以白角扇障面直造花所異香芬馥聞於數十步之外觀者疑出自宮掖莫敢逼而視之佇立良久令小僕取花數枝而出將乘馬過謂黃冠者曰曩有玉峯之期自此可以行矣時觀者如堵或覺煙飛鶴唳景物輝煥舉轡百餘步有輕風擁塵隨之而去須臾塵滅望之已半天方悟神仙之遊餘香不散者經月餘時

嚴休復元稹劉禹錫白居易俱有詩休復曰終
日齋心禱玉宸魂銷目斷未逢真不如滿樹瓊
瑤藥笑對藏花洞裏人又曰羽車潛下玉龜山
塵世何由覩薜蘿惟有多情枝上雪好風吹綴
綠雲鬟元稹曰玉玉潛過玉樹時不教青鳥出
花枝的應未有詩人覺只是嚴郎卜得知劉禹
錫曰玉女來看玉蕊花異香先引七香車攀枝
弄雪時迴顧驚怪人間日易斜又曰雪蕊瓊絲
滿院春羽衣輕步不生塵君平簾下徒相問長
伴吹簫別有人白居易曰羸女偷乘鳳下時洞
中潛歇弄瓊枝不緣啼鳥
春饒舌青鎖仙郎何得知

京兆尹張去奢宅

弟去逸去盈同時三
品亦號三戟張家

左龍武軍統軍

歸誠郡王程懷直宅

貞元十年賜懷直甲第一區伎女
一人令歸滄州初懷直自滄州歸

朝德宗賜務本里宅又賜安業里別宅有池榭林木之勝

次南崇業坊

街前為選場

玄都觀

隋開皇二年自長安故城徙通道觀於此改名玄都東與大興善寺相比初宇文愷置都以朱

雀街南北盡郭有六條高坡象乾卦故於九二置宮殿以當帝王之居九三立百司以應君子之數九五尊位不欲常人居之故置此觀及興善寺以鎮之劉禹錫元和十年自朗州承召至京戲贈看花諸君子詩曰紫陌紅塵拂面來無人道看花回玄都觀裏桃千樹盡是劉郎別後栽又再遊玄都觀絕句曰余貞元二十一年為屯田員外郎時此觀未有花是歲出牧連州貶朗州司馬居十年召至京師人人皆言有道士手植仙桃滿觀如紅霞遂有前篇以志一時之事旋又出牧今十有四年復為主客郎中重遊玄都蕩然無復一樹惟兔葵

鶯麥動搖於春風耳因再題二十八字以俟後遊時大
和二年三月日百畝庭中半是苔桃花淨盡菜花開種
桃道士歸何處前福唐觀本新都公主宅景雲元年公
度劉郎今獨來主生子武仙宮出家為道士
立為新昌觀天寶六載新昌公主因駙馬都尉前司空
觀蕭衡卒奏請度為女冠遂立此觀

同中書門下平章事王涯家廟

次南永達坊

華陽池度支亭子

輦下歲時記新進士杜
丹宴或在永達亭子

次南道德坊

隋有澄靈觀
武德中廢

開元觀

本隋秦王浩宅武后朝置永昌縣神龍元年縣
廢遂為長寧公主宅景雲元年置道士觀開元

五年金仙公主居之改為東南隅廢崇恩廟神龍初立女冠觀十年改為開元觀以祀武氏

祖禰景雲元年廢成德軍節度使兼中書令王武俊家廟

次南光行坊行字本犯中宗諱長安中改一作光仁

東南隅華州刺史宇文經野宅觀軍容使魚朝恩宅

次南延祚坊坊南街抵京城之南面

右朱雀街西第一街九坊

朱雀街西第二街北當皇城南面之含光門街

西從北第一太平坊坊內有隋尚書左僕射趙士茂宅

西南隅溫國寺

本實際寺隋太保薛國公長孫覽妻鄭氏捨宅所立景龍元年殤帝為溫王改

溫國寺大中六年改崇聖寺

西門之北定水寺

隋荊州總管上明公楊文紀宅所立東

南隅舒王元名宅

後為京兆府學又為戶部尚書唐思貞宅

節敏太子妃楊

氏宅御史大夫王鉞宅

天寶中鉞有罪賜死縣官簿錄鉞太平坊宅數日不能遍宅內

有白雨亭子簷上飛流四注當夏處之凜若高秋又有寶鈿井欄不知其價

武成王廟戶部

尚書王源中宅京兆尹羅立言宅中書侍郎同中書門

下平章事裴垣宅

次南通義坊

西南隅興聖尼寺

高祖龍潛舊宅武德元年以
為通義宮貞觀元年立為寺

西北隅

右羽林大將軍邠國公李思訓宅

本左光祿大夫李安
遠宅武太后時高平

王武重規居焉神龍中又為中宗女成
安公主宅又為思訓所居思訓善畫

後為九華觀

開元

一十八年蔡國公主
捨宅立即思訓宅

東南隅戶部尚書長平公楊纂宅

荆南節度使同中書門下平章事魏國公崔鉉宅

次南興化坊

隋有成道寺
大業七年廢

西南隅空觀寺

隋尉馬都尉元
孝恭捨宅所立

寺東尚書右僕射密國

公封德彝宅

中宗時嗣號
王邕居之

西門之北邠王守禮宅

宅南
隔街

有郊東門之南京兆尹孟溫禮宅晉國公裴度池亭白

王府
易有宿裴相興化池亭
兼借船舫遊之之詩

次南崇德坊

本名弘德
神龍初改

西南隅崇聖寺

寺有二門西門本濟度尼寺隋秦孝王
俊捨宅所立東門本道德尼寺隋時立

至貞觀二十三年徙濟度寺於安業坊之修善寺以其
所為靈寶寺盡度太宗嬪御為尼以處之徙道德寺額
於皆祥坊之太原寺以其所為崇聖宮以為太宗別廟
儀鳳二年併為崇聖僧寺輦下歲時記進士櫻桃宴在
崇聖寺併東北隅證果尼寺本隋月愛僧寺貞觀九年
牙閣上徙豐樂坊之證果寺於此
改為西北隅廢報恩寺嗣號王邕景龍中娶韋庶人
尼寺妹捨宅立寺韋氏敗寺廢鑄

錢院

次南懷真坊

武太后以母號太真夫人諱真字改為懷賢坊神龍元年復舊

東北隅廢乾封縣廨

本施巫等八州邸

戶部尚書畢構宅

即乾封縣

廨

西南隅介公廟

本御史大夫樂思晦宅後為廟懿宗咸通中詔增修

橫街之北

尚書右僕射唐休景宅惠昭太子廟

禮閣新儀曰元和八年置

義成

軍節度使駙馬都尉韋讓宅

大中三年侵街造舍為有司舉劾

次南宣義坊

隋有應法寶積二寺並廢

東門之北燕國公張說宅

按說宅在永樂坊此乃別宅

叛臣安祿山

池亭司徒致仕李逢吉宅

園林甚盛

次南豐安坊

隋有宣化尼寺武德中徙永平坊

戶部尚書裴寬宅

次南昌明坊

全一坊隋漢王諒宅諒敗後賜伶官屬家令寺

家令寺園

貞觀中曰南王入朝詔於此營第尋還國宅遂廢復為園

次南安樂坊

坊南街踞京城之南面西即安化門

叛臣李希烈宅

右朱雀街西第二街九坊

長安志卷九

欽定四庫全書

長安志卷十

宋 宋敏求 撰

唐京城四

朱雀街之第三街即皇城西之第一街

南出安化門北

出芳林門入苑

街西從北第一修德坊

本貞安坊武太后改

德明興聖廟

禮閣新儀曰天寶二載建在安化門內道西貞元十九年祔獻祖懿祖神主于廟

西北隅興福寺

本右領軍大將軍彭國公王君廓宅貞觀八年太宗為太穆皇后追福立為弘

福寺神龍中改為興福寺寺北有果園復有方花池二所太宗時廣召天下名僧居之沙門玄奘於西域回居

此寺西北禪院翻詔寺內有碑面文賀蘭敏之寫金剛經陰文寺僧懷仁集王羲之寫太宗聖教序及高宗述聖錄為時所重政要元和十二年詔築夾城自雲韶門過芳林門西至修德坊俱通興福佛寺

軍營

昭宗自華還京以輔興修德二坊別設右神策軍營

次南輔興坊

東南隅金仙女冠觀

景雲元年睿宗第八女西城公主第九女昌隆公主並出家為女冠

日立二觀二年西城改封金仙公主昌隆改封玉貞公主所造觀便以金仙玉貞為名武宗會昌中建御容殿

於金仙觀宰相李德裕為贊

西南隅玉貞女冠觀

本工部尚書華國公竇議宅武太后

時以其地為崇先府景雲二年為玉貞公主作觀此二觀南街東當皇城之右安福門西出皇城之開遠門車

馬往來實
為繁會

次南頌政坊

隋有惠雲澄覺二
寺大業七年並廢

南門之東龍興寺

本並光寺貞觀五年太子承乾所立
神龍元年兩京及天下諸州並置中

興寺遂改名此寺為中興寺又改為龍興寺西北
隅本隋之惠雲寺有舊佛殿寺內有鄭法輪畫

街東

之北建法尼寺

隋開皇三年坊人田通捨宅所立文帝
初移都使出寺額一百二十枚於朝堂

下制云有能修造便任取之通孤貧子也唯有環堵之
室乃發憤詣闕請額而還置於所居柴門瓮牖上穿下

漏時陳臨賀王叔敖母與之鄰居
又捨宅以足之其寺方漸修建

街北之東證空尼寺

本工部尚書段倫之祖廟貞觀十七
年立為真空寺武太后改真為證

西北隅昭成觀本

士達宅咸亨元年太平公主立為太平觀尋移於大業坊改此觀為太清觀高宗御書飛白額至垂拱三年改為魏國觀載初元年改為大業宗福觀武太后又御書飛白額開元二十七年為昭成太后追福地乃改立此

名西南隅尚書左僕射芮國公豆盧欽望宅宗明觀舊圖

東南隅右散騎常侍徐堅宅護國天王院

天寶二年建顯聖天王寺

咸通七年改右軍巡院舊圖

次南布政坊

隋有明法道覺二寺大業武德中並廢本名隆政避明皇名改

西門之南法海寺

本隋江陵總管清海公賀拔業宅開皇九年為沙門法海捨宅立寺因以

法海為名北門之東濟法寺

隋開皇二年沙門法藏所立地本梁村之佛堂及隋武侯將軍

韋和業宅其佛殿隋光德太子之寢堂太子薨後捨施圻於此造西禪院房國公蘇威所立街東之

北明覺尼寺

本隋御史大夫裴蘊宅開皇中太保河東間王弘立為寺本名顯避中宗諱改

北隅右金吾衛

隋曰右武侯衛

西南隅胡祆祠

武德四年立西域胡祆神也祠

內有薩寶府官主祠祆神亦以胡祝充其職

東南隅廢鎮國大波若寺

本蔣王憚

園地景龍三年立為寺景雲中廢

東門之北侍中魏知古宅中書令蕭

嵩宅開府儀同三司畢國公竇洩宅

賜第昭武太后之弟福祥觀

即洩宅天寶十三載立為觀

左神武軍大將軍河間郡王舍利澄宅

善果寺

舊圖西南隅

次南延壽坊

隋有惠覺寺
大業七年廢

南門之西懿德寺

本慈門寺隋開皇六年刑部尚書萬安公李圓通所立神龍元年中宗為

懿德太子追福改名加飾焉

東南隅駙馬都尉裴巽宅

其地本隋齊州刺史盧貴

宅高宗末禮部尚書裴行儉居之武太后時河內王武懿宗居之土地平敞水木清茂為京城之最

公主宅

中宗女降韋捷

寶應經坊

大歷十二年淮西節度兵馬使李重倩敗汴州李靈輝請

捨所居延壽里宅為佛經坊許之仍賜名寶應一切經坊

次南光德坊

隋有常法寺
大業七年廢

東南隅京兆府廨

府內廨宇並隋開皇中制度其後隨事改作開元元年孟溫禮為京兆尹

因奏請以賦贖錢修繕其後

西南隅勝光寺

本隋幽州總管燕營

韋澳為尹又賜錢加葺之

宅大業元年自豐樂坊徙勝光寺於此

街東之北慈悲寺武德元年高祖為沙門曇獻立

隋末饑饉常賑給貧乏

為事故寺以慈悲為名南門之東尚書左僕射劉仁軌

宅

仁軌薨後尚宮柴氏居之後立為光德寺柴便度為尼景雲初追柴氏入營寺遂廢

鄱陽公主

邑園

孫思邈嘗居於是庭前有病梨木盧照鄰為賦以紀之

太子賓客裴洎宅吏

部尚書崔邠宅

邠與弟浙西觀察使鄆金吾大將軍鄆及宰相淮南節度使鄆皆貴顯同居光

德舊第鄆嘗構便齋宣宗聞而歎曰崔氏一門孝友可為士族之法因題曰德星堂後京兆民即其里為德星

云社兵部尚書劉崇望宅

次南延康坊

隋有明輪寺
大業七年廢

西南隅西明寺

顯慶元年高宗為孝敬太子病
愈所立大業中六年改為福壽寺
本隋尚

書令越國公楊素宅

大業中素子玄感謀反誅後沒官
武德中為萬春公主宅貞觀中以

賜濮王秦泰薨

東南隅靜法寺

隋開皇十年左武侯大
將軍陳國公竇抗所立

後官市之立寺

寺門本抗宅榮戟門所造西院有木浮屠抗弟進為母

成太主建重疊綺麗崇一百五十尺皆伐抗園梨木充

之其園本西魏大統寺周武帝

廢佛教以其寺賜抗為宅焉

北門之西中書令閻立

本宅

後申王傳符太玄居之
西亭有立本所畫山水

邠寧節度使馬璘池亭

璘

池亭入官貞元後
羣臣多賜宴于此諸王府

寶曆二年以延康坊官宅一
區為諸王府唐朝故事王府

在京師者即合有曹局自天寶以後王不出閣所置寮
寮過於間冗其胥吏數司方共一員至是瓊王府長史
裴簡求奏論
遂創官府

次南崇賢坊

隋有緣覺融覺賢覺
三寺並大業武德中廢

南門之西海覺寺

隋開皇四年淮南公元偉
捨宅為沙門法聰所立

街北之西

大覺寺

隋開皇二年文帝為
醫人周子臻所立

西門之南法明尼寺

隋開
皇八

年長安富商王道買捨宅所立又有慈仁尼寺本在法
明寺西開皇三年隋太興公主有女出家為尼號曰女
郎師隋帝為立此寺至開
元二年勅併入法明尼寺
街東之南崇業尼寺
本弘業
皇十年尼法覺立於法界寺之南其地狹隘大業三年
合州刺史崔鳳捨宅移置於此神龍元年改為崇業

西南隅秘書監嗣號王邕宅西門之北黃門監盧懷慎

宅

懷慎居官清儉宅在陋巷屋宇殆不蔽風雨

光祿少卿竇瑗宅

昭成太后之從父父

弟被咸通中河中節度使竇瑑與弟河東節度使潞同居崇賢第家富於貲疑是瑗之後

次南延福坊

隋有神通寺大業七年廢

西南隅紀國寺

隋開皇六年獻皇后獨孤氏為母紀國夫人崔氏所立

東南隅玉

芝觀

本越王貞宅後乾封縣權治於此又為新都公主宅施為新都寺寺廢乃為鄴王府天寶二年立為

玉芝

街東之北宣平府西北隅瓊山縣主宅

縣主開元中適慕容

氏即吐谷渾之苗裔富於財產宅門有山池院谿磴自然林木蒨鬱京城稱之

真化府

舊圖

次南永安坊

右羽林軍大將軍高仙芝宅浙江西道都團練觀察使

薛萍家廟

次南敦義坊

東北隅廢福田寺

本隋靈覺寺開皇六年觀德王雄所立武德初廢乾封二年武后為其姊

賀蘭氏復立為崇福寺儀鳳二年改福田寺開元二年廢

東南隅廢法覺尼寺

隋置開元

二年併入資善寺

大尉中書令臨淮郡王李光弼宅山南西道

節度使鄭餘慶家廟

次南大通坊

東南隅左羽林將軍竇連山宅尚父汾陽郡王郭子儀

園

後為岐陽公主別館

次南大安坊

坊南街抵京城之南面

大安亭越王臺西街永安渠

隋開皇三年引交水西北流入城自此流經大通信

義永安延福崇賢延康六坊之西又經西市之東又北流經布政須政輔興崇德四坊及興福寺之西又北流

入芳林園又北流入苑注之於渭

東街清明渠

開皇初引流水西北流又屈而東北流入城當

此坊南街又屈而東流至安樂坊之西南隅屈而北流經安樂昌明豐安宣義懷真崇德興化通義太平九坊之

西又北流經布政坊之東右金吾衛之東南屈而東南
流入皇城經大社北又東至含光門街又屈而北流經
尚食局東又北流經將作監
內侍省東又北流入宮城
南康郡王韋臯家廟

右皇城之西十三坊

朱雀街西之第四街即皇城西之第一街街西

從北第一安定坊

東南隅千福寺

本章懷太子宅咸亨四年捨宅
立為寺大中年改興元寺

西南隅

福林寺

其地本隋律藏寺武德元年置太原寺於永興
坊以義師初起太原因以名寺後移於此咸亨

三年改為

東北隅五通觀

隋開皇八年為道士焦子順
所立子順能驅役鬼神傳諸

福林寺

符籙預告隋文膺命之應及即位拜上開
府永安公立觀以五通為名旌其神術
右神策軍護

軍中尉第五守進宅

次南休祥坊

太和二年休祥坊百姓三百接宰
相訴當坊右龍武城地賜百姓歷

經四十餘年不納稅今被儀仗使田全操一例
徵索時久操令角觝者五十人分捕所訴者遂
聞于通衢久之方散文宗以地為百姓業久矣
不欲收奪因賜左右三軍錢各一千五百貫其
休祥坊地
盡歸百姓

坊內有漢顧成廟餘址廟北漢奉明園

宣帝父悼皇
考墓園也

園北

漢奉明縣東北隅崇福寺

本侍中觀國公楊恭仁宅咸
亨元年以武皇后外氏故宅

立為太原寺垂拱三年改為魏園寺載初
元年又改為崇福寺寺額武太后飛白書
東南隅萬善

尼寺

本在故城中周宣帝大象二年置開皇二年移於
此盡度周氏皇后嬪御以下千餘人為尼以處之

寺西昭成尼寺

隋大業元年元德太子為尼善惠玄懿
立為慈和寺永徽元年廢崇德坊之道

德寺乃移額及尼於此寺先天二年
又為昭成皇后追福改為昭成寺

南門之西武三思

宅

本駙馬都尉周道務宅神龍中三思以子崇訓尚安
樂公主大加彫飾三思誅後主移於金城坊開元中

道務子勵
言復居此延唐觀

次南金城坊

本漢博望苑之地初移都百姓分
地於塵土中見金聚欲取便沒隋

文帝曰此取金城之兆因以金城為
坊名隋釋梵法衆二寺大業七年廢

西南隅匡道府即漢思后園

漢武帝衛皇后墓園也宣帝追謚改葬於此地本長

安故城之杜門外大道東也

北門有漢戾園

戾太子史良娣墓

園東南漢博

望苑

本在門外道之東

東南隅開善尼寺

隋開皇中宮人陳宣華蔡容華二人所立

寺北廢太清觀

本悖逆庶人宅初封安樂公主出降武三思子崇訓誅後自休祥坊移宅於此

改造武承嗣之子建秀及誅後勅太清觀道士史崇玄居焉崇玄以先天二年謀逆伏法其觀遂廢

西南

隅會昌寺

本隋海陵公賀若誼宅義寧元年義師入關太宗頓兵於此武德元年立為寺

街南

之東樂善尼寺

本名舍衛寺隋開皇六年尉遲迥孫大師為其祖所立景龍元年改為溫國寺

二年又改

瑞聖寺

舊圖

次南醴泉坊

本名承明坊開皇二年繕築此坊忽聞金石之聲因掘得甘泉浪井

七所飲者疾愈因以名坊隋有光寶救度二寺大業武德中廢

西南隅三洞女冠觀

本靈應道士觀隋開皇七年立貞觀二十二年自永崇坊換所居於

此觀北妙勝尼寺

開皇三年周靜帝皇后平原公主所立

街北之西醴泉

寺

隋文帝於此置醴泉監取甘泉水供御厨開皇十二年廢監立寺

街南之東舊波斯

胡寺

儀鳳二年波斯三卑路斯奏請於此置波斯寺景龍中幸臣宗楚客樂此寺地入其宅遂移寺於布

政坊之西南隅祔祠之西

西門之南祔祠東南隅太平公主宅

公主死後

沒官為陝王府宅北有異僧方回宅太平公主為造之

南門之東中書令宗楚客

宅

楚客既死其宅後賜申王搗

烈士臺

世傳安金藏之居

次南西市

隋曰利人市

南北盡兩坊之地市內有西市局

隸太府寺市內店肆如東市已制長安縣

所領四萬餘戶比萬年為多浮寄流寓不可勝計市西北有池長安中沙門法成所穿支分永安渠以注之以為放生池平準局獨柳之刑人所

次南懷遠坊

隋有法寶寺大業七年廢

東南隅大雲經寺

本名光明寺隋開皇四年文帝為沙門法經所立時有延興寺僧曇延因

隋文帝賜以蠟燭自然發焰隋文帝奇之將改所住寺為光明寺曇延請更立寺以廣其教時此寺未制名因以

名焉武太后初幸此寺沙門宣政進大雲經經中有女王之符因改為大雲經寺遂令天下每州置一大雲經寺此寺當中寶閣崇百尺時人謂之七寶臺寺内有浮圖東西相值東浮圖之北佛

塔號三絕塔隋文帝所立塔内有鄭法輪田僧亮楊契丹畫跡及巧工韓伯通塑作佛像故以三絕為名街

東之北功德尼寺

本在安定坊開皇五年周宣帝女細要公主所立武德中移於此

次南長壽坊

隋曰廣恩坊避煬帝諱改有願力寺大業七年廢

西南隅長安縣廨

去府六里

南門之東永泰寺

本梁太尉吳王蕭岑宅隋

開皇四年文帝為沙門曇延立為延興寺寺東院莒公蕭琮之堂隋亡捨入寺神龍中中宗為永泰公主追福改為永泰寺大中六年改萬壽寺北門之東大法寺

本弘法寺武德中二年光祿大夫李

遠所立神街西之北崇義寺本隋延壽公于詮宅武德龍元年改街西之北崇義寺二年杜陽公主為駙馬都

尉趙慈街北之西鄴國公楊溫宅開府儀同三司尉遲景所立

敬德宅中書令閻立本宅前中書侍郎同中書門下平

章事元載家廟

大歷四年有虎止于載之私廟命將軍薛岌周皓發弩手射殺之

次南嘉會坊

西南隅褒義寺

本隋太保英武公尉遲剛宅初剛兄迴置妙象寺於故都城中移都後剛捨宅

立寺名褒義材木皆舊寺者

街西之北靈安寺

武德三年高祖為衛懷王霸立鄭國

莊穆公主廟

禮閣新儀曰德宗女自義章公主冊立貞元十七年祔廟

次南永平坊

本名永隆明
皇即位改

東門之北宣化尼寺

隋開皇五年周昌樂公主及
駙馬都尉王安捨宅所立

東南

隅宣城公主宅

公主薨後太子太
師竇希球居之

高長安公主宅

高宗
女降

潁州刺史
王勗

天平軍節度使殷侗家廟

次南通軌坊

鄜公廟文敬太子廟

禮閣新儀曰貞元十七年
置在長安坊後徙於此

次南歸義坊

全一坊隋蜀王秀宅

隋文帝以京城南面濶遠無以彈
壓乃使諸子並南郭參居秀死後

沒官為家
令寺園

次南昭行坊

本名顯行犯中宗諱改在長安坊南街抵京城之南面

街之南汝州刺史王昕園

引永安渠為池彌五頃畝竹木環布荷荇叢秀

右皇城西第二街之十一坊及西市

朱雀街西第五街即皇城西之第三街街西從

北第一修真坊

隋有積善寺武德中徙義寧坊

坊有漢靈臺餘趾

崇五尺周一百二十步述征記曰長安宮南有靈臺高十仞上有相風銅

鳥過千里風乃動

次南普寧坊

南街西出
通開遠門

坊西街有漢太學餘址

其地本長安故城南安門之外

次東漢辟雍

次東漢明堂

二所並唐滅
無復餘跡

東南隅東明觀

顯慶元年孝
敬升儲所立

街東之北靈化寺

隋開皇二年沙門善吉所
立北冢崇五丈不詳姓名

西南隅太

尉英國公李勣宅北門之西司農卿韋機宅西北隅祔

祠

次南義寧坊

本名熙光坊
義寧元年改

南門之東化度寺

本真寂寺隋尚書左僕射齊國公高
顯宅開皇三年顯舍宅奏立為寺武

德二年改化度寺寺中有無盡藏院敬宗賜化度寺西
經院金字額御蹕數往觀之大中六年改為崇福寺

北隅積善尼寺

隋開皇十二年高頴妻賀跋氏所立其宅本賀跋氏之別第

街東之

北波斯胡寺

貞觀十二年太宗為大秦國胡僧阿羅所立

東南隅尚書右僕

射戴至德宅

次南居德坊

南街西出通金光門坊內隋有依法寶岸凝觀三寺並大業中廢

漢園丘餘趾東南隅先天寺

本寶昌寺隋開皇三年勅大興長安兩縣各置一寺

因立寶昌禪林二寺東西相對時人謂之縣寺其地本漢之園丘先天元年改為先天寺

西北隅普

集寺

隋開皇七年突厥開府儀同三司鮮于遵義捨宅所立

南門之西奉恩寺

本將

軍尉遲樂宅神龍二年立南門之東司禮太常伯劉祥

為寺大中六年改興福寺

道宅接先天寺燕據漢園丘舊趾因其高築亭焉

次南羣賢坊

隋有監門大將軍黃城公元瓚上柱國鄜城公梁軌二宅又有法身

寶王二寺大

業七年廢

東門之南真心尼寺

隋開皇八年宦者儀同三司宋祥捨宅所立街東之北

真化尼寺

開皇十年冀州刺史馮臘捨宅所立武太后改為光化寺神龍元年復舊東南隅

中宗昭容上官氏宅

後為南陽郡王所居

次南懷德坊

西南隅羅漢寺

隋開皇六年雍州牧楚公豆盧勣所立

街西之北辯才寺

本孝王亮隋代舊宅亮子司空淮安王神通以開皇十年為沙門智疑立此寺於羣賢坊以智辯才不滯因名寺焉武德二年徙於此東門之北慧日寺

開皇六年所立

天官侍郎李至

遠宅弘光寺

次南崇化坊

本名弘化避孝敬皇帝諱改

東南隅龍興觀

本名西華觀貞觀五年太子承乾有疾勅道士秦英祈禱獲愈遂立此觀垂拱

三年以犯武太后祖諱改為金臺觀神龍元年又改為中興觀三年改為龍興觀

東門之北經

行寺

本隋長安令屈突蓋宅開皇十年邑人張緒市之立為寺大中年改龍興寺

西南隅靜

樂尼寺

隋開皇六年所立

河陽節度使烏重胤家廟

次南豐邑坊

南街西出通延平門此坊多假賃方相輜車送喪之具

東北隅清虛觀

隋開皇十年文帝為道士呂師玄所立師玄辟穀鍊氣故以清虛名之

次南待賢坊

此坊隋初立天下諸州朝集使所後以待賢為名隋又有左領軍大

將軍史萬歲宅

東北隅天長觀

本名會昌觀隋開皇七年文帝為秦孝王俊所立開元二十八年改千秋觀天

寶七載又改天長觀節愍太子廟

次南永和坊

本名淳和元初避憲宗名改

東北隅隱太子廟

次南常安坊

東北隅章懷太子廟

神龍中立

次南和平方

坊內南北街之東築入莊嚴寺街之西築入總持寺

次南永陽坊

坊之西南即京城之西南隅

半以東大莊嚴寺

隋初置宇文政別館於此坊仁壽三年文帝為獻后立為禪定寺宇文愷

以京城之西有昆明池地勢微下乃奏於此寺建木浮圖崇三百三十尺周四百二十步大業七年成武德

元年改為莊嚴寺天下伽藍之盛莫盛於此寺內有佛牙長三寸宋時沙門法獻從烏踵國取以歸豫章王暕自揚州持入京隋文改置此寺大中年改聖壽寺半以西大總持寺隋大業三年煬帝為文帝所立初名大禪定寺寺內制度與莊嚴寺正同武德元年改為總持寺莊嚴總持即隋文獻后宮中之號也寺中常貢梨花蜜景龍文館記曰隋主自立法號稱總持呼蕭后為莊嚴因以名寺恭僖貞獻

二太后廟

右皇城西第三街之十三坊

昌化坊

太華公主宅

明皇女降楊錡

義陽公主宅

德宗義陽公主降王士平宅在昌化坊

禮賓院

敬宗初廢禮賓院賜教坊

檢校尚書左僕射同中書門下平

章事韓滉宅岐陽公主宅

憲宗女降宰相杜悰疏龍首池為沼

同昌公主

宅

懿宗女降宰相韋保衡杜陽編曰其宅房櫳戶牖以衆寶飾之金銀為井欄水精火齊琉璃玳瑁等床悉

楷以金龜銀鑿合百寶為圖案大會韋氏一族於廣化里暑氣特甚公主命取澄水帛以解之挂於南軒滿坐則皆思挾纊澄水帛似布明薄可鑒其中有龍涎故能消暑按保衡宅在昌里此云廣化誤也

延平坊

其街乃刑人之所

元和五年斬成德軍逆將一十五人於延平坊街范陽所獻也

修仁坊

弘道觀

坊內舊有隋國子學及右屯衛大將軍麥鐵杖宅顯慶二年盡併一坊為雍王第五升儲永隆

元年立為觀

正平坊

安國觀

本太平公主宅長安二年睿宗在藩公主奉焉至景雲元年立為觀乃以本封為名開元十年

王貞公主居之改為女冠觀

右四坊別見

疑改易坊名

李義琰宅

義琰宅至禰監雖居相位在官清儉所居方丈之室高宗聞而嗟嘆及卒遂勅將作造堂以

安靈報聖寺

宣宗時河湟平出內藏緡帛建報聖寺於京城設憲宗聖容於介福殿又建虔思殿

欽定四庫全書

長安志

其

為更衣之所
帝數臨幸焉

右別見

皆失坊名

章敬寺

大歷元年作章敬寺于長安之東門總四千一百三十餘間四十八院內侍魚朝恩請以通化

門外莊為章敬皇后立寺故以章敬為名代宗實錄曰
是莊連城對郭林沼臺榭形勝第一朝恩初欲得之及
是建寺窮極壯麗以為城市材木不足充費乃奏壞曲
江亭館華清宮觀風樓及百司行廊并將相沒官宅給
其用焉土木之役僅逾萬億會要曰因坼哥舒翰
宅及曲江百司館室及華清宮之觀風樓造焉
池神龍中安樂公主恃寵請昆明池中宗不振旅亭譚
與主發怒自以家財別穿池號曰定昆池
錄曰天寶八載於開遠門
外作振旅亭以待兵迴

右城外



長安志卷十

欽定四庫全書

史部

長安志卷十一至
六

詳校官左都御史_臣李經綬

編修_臣程嘉謨覆勘

總校官編修_臣王燕緒

校對官中書_臣李奎

謄錄監生_臣任楫文

欽定四庫全書

長安志卷十一

宋 宋敏求 撰

縣一

萬年

萬年縣

唐亦今次赤

本漢舊縣高帝置屬左馮翊在今櫟陽

縣東北二十五里櫟陽故城是三輔黃圖曰太上皇葬

櫟陽北原起萬年陵因置萬年縣王莽改曰異赤晉屬

京兆郡後魏復屬馮翊郡周地圖記曰後周明帝二年

分長安霸城及姚興所置山北三縣於長安城中別置
萬年縣屬京兆尹取漢縣舊名也天和三年省山北縣
建德二年又省霸城北城二縣皆併入隋開皇三年遷
都改萬年為大興徙治宣陽坊領市一坊五十四唐武
德元年復為萬年縣二年析置芷陽縣七年省總章元
年析置明堂縣治永樂坊長安二年省天寶七載改萬
年縣為咸寧縣至德三載復舊梁開平元年改為大年
縣後唐同光元年復舊縣境

東西三十七里南
北二百七十里

七鄉管二百七十六村二里

唐四十五鄉霸橋東有大陵鄉元載祖墓在黃臺鄉

真光中有霸城鄉餘不傳

洪固鄉在縣南一十五里管村四十八胄貴里

龍首鄉在縣東一十五里管村三十五神鹿里

少陵鄉在縣南三十里管村四十八

白鹿鄉在縣南四十五里管村五十

薄陵鄉在縣東三十五里管村三十六

東陵鄉在縣東三十里管村四十

苑東鄉在縣東北二十里管村二十九

社壇在縣東南二里平康坊

南郊壇

百神壇

靈星壇以上並在縣南一十五里啓夏門外

風師壇

青帝壇

先農壇以上並在縣東北一十五里漚水東

九宮壇在縣東南一十里古城春明門外

馬祖壇大厯五年置

鳴犢鎮在縣南六十里

鎮西原下有鳴犢泉俗傳因犢
咆鳴而得泉武宗獵於大白原

即鎮之
西原也

灞橋鎮在縣東二十里

滋水驛
疑在此

渭橋鎮在縣東四十里

即東渭橋李
晟屯兵處

義谷鎮在縣南八十里

入乾祐路俗
曰谷口鎮

莎城鎮唐昭宗乾寧二年繇啓夏門出居之今廢

太寧驛在縣城東草市東至昭應驛四十六里西至秦川驛四里

滋水驛在縣東北三十里兩京道里記曰隋開皇十六年置

長樂驛在縣東十五里長樂坡下兩京道里記曰聖歷元年勅滋水驛去都亭驛路遠馬多死損中間置長樂驛東去滋水驛一十三里西去都亭驛一十三里

灞橋隋開皇三年造唐隆二年仍舊所為南北兩橋

漢有

灞館王莽更曰長存館
灞橋王莽更曰長存橋

橫灞官渡在縣東南二十五里

入藍田路

渭橋渡在縣東北二十里

光泰門渡在縣東二十里

入高陵耀州路

官磴店在縣東界

終南山在縣南五十里東自藍田縣界西入縣界石鰲谷以谷水與長安縣為界東西四十里禹貢終南惇物至于鳥鼠孔安國注三山名言相望也詩曰終南何有

有條有枚毛注周之名山中南也春秋左氏傳曰荆山中南九州之險也杜注曰中南在始平武功縣南漢書曰太一山又為終南山五經要義曰太一一名終南山在扶風武功縣則終南太一不得為一山明矣蓋終南山山之總名太一山之別號耳關中記曰終南山一名中南言在天中居都之南也又曰終南太一左右三十里內名福地三秦記曰太一在驪山西去長安二百里山之秀者也一名地肺山

西京雜記曰終南山多合離草叢似江蘼而紅綠相雜莖

皆紫色如紅羅有樹直上百尺無枝上結叢條狀如車
蓋一青一赤望之斑駁如錦繡長安謂之丹青樹亦云
華蓋
皇甫謐高士傳曰秦有東園公夏黃公綺里李角
樹

里先生時呼四皓共入商洛隱地肺山以待天下定及
秦敗漢高祖召之四人乃深自匿終南山不能屈之漢
東方朔傳曰終南山天下之大阻也其山多玉石金銀
銅鐵豫章檀栢異類之物不可勝原此百工取給萬姓
所仰足矣唐文宗詔曰每聞京師舊說以為終南山興
雲即必有雨若晴霽雖密雲他至竟夕不霑濡宜命有

司建立祠宇

異原在縣西南二十八里

白鹿原在縣東南二十里自藍田縣界至澧水川盡東

西一十五里南接終南北至霸川盡南北一十里亦謂

之霸上

事見藍田

少陵原在縣南四十里南接終南北至澧水西屈曲六

十里入長安縣界即漢鴻固原也宣帝許后葬於此俗

號少陵原

樂遊原在縣南八里漢書宣帝起遊廟在曲江北亦曰
樂遊原

長樂坡在縣東北一十里即漚水之西岸十道志曰舊
名漚取隋文帝惡之改曰長樂坡蓋漢長樂宮在其西
北

高望堆長安圖曰在延興門南八里

潘岳西征賦曰
憑高望之陽隈

御宿川在縣西南四十里揚雄羽獵賦序曰武帝開上
林東南至御宿川孟康注曰為諸離宮別觀禁御不得

使人往來遊觀止宿其中故曰御宿川漢元后傳夏遊

御宿師古曰御宿苑在長安城南今之御宿川是也

三秦

記曰樊川一名御宿川

樊川一名後寬川在縣南三十五里十道

志曰其地即杜陵之樊鄉漢高祖至櫟陽以將軍樊噲

灌廢丘功乃賜噲食邑於此故曰樊川三秦記曰長安

正南秦嶺嶺根水流為秦川一名樊川金塢在縣北漢

文帝廟在其北

一作縣北苑內

義谷在縣東南八十里東南至乾祐縣及金商等州西

南有路至興元府

錫谷在縣東南六十里有路至舊歸安鎮合義谷路通興元府

羊谷在縣東南六十里

炭谷在縣南六十里

郊谷在縣東南六十里

竹谷在縣南六十里

方輿記曰竹水俗謂之赤水出於媚谷

石鱉谷在縣西南五十里

荊谷在縣東南二十五里

渭水在縣北五十里西自長安縣界流經縣界入臨潼
渭陽之詩曰我送舅氏曰至渭陽史記曰西伯獵遇太
公渭之陽與語大悅又曰秦武王三年渭水赤三日昭
王三十四年又赤三日洪範五行傳曰赤者火色也盡
赤以火沴水也渭水秦大川也陰陽亂秦用嚴刑敗亂
之象漢書曰武帝元光六年春穿漕渠通渭三輔決錄
曰項仲山飲馬渭水日與三錢以償之山海經曰渭水

出鳥鼠同穴山東注河入華陰北

鳥鼠同穴山今在隴西首陽縣渭水出其

東經南安天水略陽扶風始平京兆至弘農華陰縣入河

列子曰夸父逐日渴飲渭

水不足乃渴死淮南子曰渭水多力宜黍霸水

亦作灋

縣二十一里自藍田縣來合澧水北流入渭

澧水

亦作產

在縣東北流四十里入渭十道志曰荆谿狗

枷二水之下流也水經注曰澧水出京兆藍田谷北至

霸陵入霸二水終始盡於苑中不復出地理志曰澧水

出南陵縣之藍田谷西北流與二水合水出西南莽谷

又曰澧水北至霸陵入霸水史記曰秦都咸陽霸產長水澧潒涇渭皆非大川以近咸陽盡得祠之

滴水今名流水

一作洗

自南山皇子陂西北流入縣界字

林曰滴水出杜陵縣許慎說文曰滴古穴反水名在京兆杜陵漢書注晉灼曰滴音決師古曰地理志鄠縣有滴水北過上林苑入渭而今之鄠縣則無此水水經注曰滴水自樊川西北流經杜伯冢又西北經下杜城其字或作旁穴與沉字相似俗人因名沈水括地志曰滴

水又名石壁谷水又名高都水漢王氏五侯大治池宅

引高都水入長安城

事見上卷王根第下

李善曰滴水徑至昆明

池入渭

十道志曰漕水即沈水也亦名滴水

福水即交水也水經注曰上承樊川御宿諸水出縣南山石壁谷南三十里與真谷水合亦名子午谷水庫谷澗水北流二十五里合採谷水下流入荆谷水號產水下流二十五里合霸水號霸水北流二里入渭

採谷水來自藍田縣界西北流三十里入縣界二十里

合採谷為產水北流四十里入霸水

石門谷水來自藍田縣北流一十里入縣界合採谷水北流一十五里合庫谷水為產水

荆谷水一名荆谿來自藍田縣至康村入縣界西流二十里出谷至平川合庫谷採谷石門水為荆谷水一名

產水

兩京道里記曰荆溪本名長水後秦姚興避諱改焉

義谷水自縣界由乾祐縣下流入山一百里至谷口西北流二十里合錫谷羊谷水入坑河西流一十五里入

長安縣界郊谷水北流一十里合錫谷水自谷口北流一十里為坑河入長安縣分界

石鰲谷水北流一十五里復西流一十里入長安縣界漕水由縣界坑河分水約五里西流

龍首渠一名產水渠漢書曰穿渠得龍骨故名龍首渠自縣界龍首鄉馬頭壠堰澆水入此渠西流由府城東過入長安縣界

兩京道里記曰隋開皇二年引水北流入苑渠在長樂坡上

黃渠自義谷口澗分水入此渠北流一十里分兩渠一

東北流入庫谷一西流入樊川灌溉稻田西流入坑河
九龍池在縣東南五里九曲池在其西

曲江在縣南一十里

永安陂在縣南二十五里周七里十道志曰秦葬皇子
起冢陂北原上因名皇子陂隋文帝改豐潤陂在縣東
北二十五里周六里三輔舊事曰後周太祖名為中都
陂隋文帝改

洛女陂在縣東一十五里三輔舊事曰洛女冢南有洛

陂俗號洛女陂

軹道在通化門東北十六里漢元年秦王子嬰素車白馬降沛公處蘇林曰枳道亭名在長安東十三里師古曰枳音軹軹道亭在霸成觀西四里漢時有白蛾飛自東郭門經軹道入苑内地道記曰在霸水西長門亭漢書文帝出長門若見五人於道北立五帝壇郎官亭

漢武

帝陳皇后葬霸陵郎官亭東

千人聚皇覽曰衛思后葬城東南桐栢園令千人聚是

關中記曰宣帝父曰悼皇考母曰悼夫人墓曰奉明園
衛皇后曰思后以倡優雜伎千人樂思后園今所謂千
人鄉者是

漢書成帝建始四年長安城南有鼠銜黃栢
葉上民家栢及榆樹為巢栢栢尤多師古曰

桐栢本亭名衛思
后於其地葬也

獸圈在通化門東北二十五里

霸陵故城在縣東北二十五里霸水之東十三州志曰
霸陵秦襄王所築芷陽也漢文帝更名霸陵莽曰水草
郡國志曰在通化門東二十里秦襄王葬於其坂謂之

霸上其城即秦繆公所築漢王元年十月至霸上子嬰降文帝後六年宗正劉禮為將軍次霸上文帝後葬其地謂之霸陵因為縣東南至文帝陵十里王仲宣詩曰南登霸陵岸回首望長安晉改為霸城後周建德二年省關中記曰秦為銅人十三董卓壞以為錢餘二枚魏明帝欲徙詣洛載到霸城重不可致今在霸城大道南銅人即金狄也水經注曰城東之人見荊子訓與一老翁共摩挲銅人曰正見鑄此計時已近五百年矣

南陵故城在縣東南二十四里白鹿原上漢文帝七年

置屬京兆尹漢舊儀曰薄太后葬之所亦謂之南霸陵

因置縣以奉陵寢後漢省

漢書近水出藍田谷北至霸陵入霸水近音先歷反

杜陵故城在縣東南一十五里漢宣帝以杜東原上為

初陵置縣曰杜陵而改杜縣為下杜城王莽改北杜陵

曰饒安後魏改杜陵為杜縣後周建德二年省

漢書有周右將

軍杜主祠四所

列國寺秦畿內置寺四十九所此其一也

乾元寺在縣東北四十里乾元三年建

靈應臺并下院共九處去縣六十里並在終南山

陸長源辨

疑志曰長安城南四十里有靈母谷俗呼為炭谷入谷五里有惠炬寺寺西南澗水緣崖側一十八里至峯謂之靈應臺臺上置塔塔中觀世音菩薩鐵像像是六軍散將安太清鑄造

牛頭寺在縣西南二十五里貞元六年建

羅漢寺在縣南六十里終南山石鱉谷有羅漢石洞三
太平興國寺在府東街舊圖經曰本唐紫微宮天祐初
為寺按西京記承天門南為皇城乃左右春坊與東宮

重明門之地

廣惠公祠唐開成二年冊終南山為廣惠公命長安縣令杜慆於南山下置寺宇以季夏土王日致祭

靈臺神廟在縣東北四里十道志曰漢文帝罷露臺於此

九龍堂在縣東六里

事具九龍池

澄源夫人湫廟按今縣有顯應夫人廟所在與此正同當時澄源改封在終南山炭谷去縣八十里唐封澄源

夫人湫池尚在漢文帝廟在縣東本陵北去縣二十五里

漢宣帝廟在縣東南本陵北去縣一十里

昭靖太子陵在細柳北原

尖塚兩京道里記曰在通化門東二里皇覽云是呂不韋冢三輔舊事云是子楚母冢皆非也其冢制度廣大豈人臣所宜據韋述兩京記則秦襄王壽陵益不韋實始皇之父而始皇名襄王之子以此致惑也馬冢漢滕

公夏侯嬰冢也東臨霸水郡國志曰滕公乘馬至此馬
踣地悲鳴因掘地得石槨銘曰佳城鬱鬱三千年見白
日吁嗟滕公居此室公曰天也吾死即安此冢在飲馬
橋南時人謂之馬冢

長安圖曰漢時七里有
飲馬橋夏侯冢在橋南

蝦蟆陵在縣南六里韋述西京記本董仲舒墓李肇國
史補曰昔漢武帝幸芙蓉園即秦之宜春苑也每至此
墓下馬時人謂之下馬陵歲月深遠誤為蝦蟆爾

懿宗母元昭晁太后慶陵在縣東二十五里

僖宗母惠安王太后壽陵在縣東北二十五里

顏師古墓在縣南二十里

王君奭墓在縣東界滋水驛東道北兩京道里記曰君奭開元中任涼州都督死王事招魂塋此張說為碑

渾瑊墓在縣西南十五里

四皓廟在終南山去縣五十里唐元和八年重建

唐杜相公祠在古城啓夏門內道東去縣八里咸通六年建

漢太上皇陵按高祖十年太上皇崩葬萬年師古曰三輔黃圖曰高祖初居櫟陽故太上皇因在櫟陽及崩葬其北原故萬年邑置長丞

薄太后陵在縣東南三十五里白鹿原上

兩京道里記曰陵高四十

丈周圍三里六十步去道五里

文帝霸陵在縣東一十里白鹿原上

顏師古曰在長安東南關中記曰陵

上為池池有出道以瀉水

宣帝杜陵在縣東南一十五里

臣瓚曰在長安南五十里

唐明皇貞順武皇后敬陵在縣東四十里

武宗母宣懿韋太后福陵在縣東二十五里

蕭望之墓在縣東南五里古城春明門外

唐杜如晦墓在縣南三十里

邴吉墓在縣南二十里

昭宗母恭憲王太后安陵在縣東二十五里

靖恭太子陵在見子西原

中宗常幸見子陵獵今按霸橋近東三里有大陵鄉俗語

訛呼為建子陵

長安志卷十一

欽定四庫全書

長安志卷十二

宋 宋敏求 撰

縣二

長安

長安縣

唐赤令次赤

本漢舊縣蓋秦之地名也史記秦始皇

本紀曰王弟長安君成蟜將兵擊趙又曰盧縮封長安

侯長安故咸陽也漢書曰楚懷王封項羽為長安侯又

曰長安縣高帝五年置屬京兆尹

括地志曰按史傳所載長安之名久矣又

盧縮封之初項羽尚未滅蓋長安得名非始於漢但未詳所在耳及高帝五年入關乃取長安以名縣也馬遷云長安故咸陽者據當時之名因終說其事非謂封縮之日改咸陽為長安矣又按史記趙亦有長安君未詳趙取嘉名將更有長安地名也

王莽曰常安唐賈耽郡國縣道記曰長安縣故城今謂之苑城漢京兆府在故城內上冠里其縣治今失其所
在長安蓋古鄉聚名在渭水南隔渭水北對秦咸陽宮
漢於其地起未央宮城曰長安城隋開皇三年遷都徙
縣治長壽坊西南隅

括地志曰案今縣界兼有周鎬京及杜伯國之地鎬京在今縣治西

北十八里鎬池是杜伯國今在縣治東南九里下社故城是又有漢奉明縣地今縣治北八里奉明故縣是

領市一坊五十四唐總章元年析置乾封縣治懷真坊
長安二年省梁開平元年改為大安縣後唐同光三年
復舊

縣境

東西四十里南北一百五十二里

六鄉管六里

唐五十九鄉有渭陰鄉見于下餘不傳

義陽鄉在縣西南二里管布政里

善政鄉在縣西一十五里管安化里

同洛鄉在縣西南四十里管安寧里

豐邑鄉在縣西二十里管龍臺里

苑西鄉在縣北三里管崇徵里

華林鄉在縣南一十五里管居安里

子午鎮在縣南四十里至東杜角村景祐二年置以南

山子午谷為名

社壇在縣西南五里光德坊

黃帝壇

百神壇

赤帝壇以上並在縣南一十里安化門外

白帝壇在縣西一十里開化門外

夕月壇在縣西一十里開遠門外

雨師壇在縣西一十里金光門外

黑帝壇在縣北二十五里中橋

司中司命壇在縣西北一十里開遠門外

杜角鎮在縣南四十五里又有西杜角

秦杜鎮在縣西南澧水西四十里入鄠縣路

臨臯驛在縣西北一十里開遠門外今廢

子午關在縣南一百里漢書曰平帝元始五年王莽通

子午道因置關今廢又曰子午道從杜陵直絕南中徑

漢中師古曰子北方也午南方也言通南北道相當故

謂之子午耳今京城直南山有谷通梁漢道者名子午

谷

括地志曰漢書王莽以皇后有子孫瑞通子午道蓋以子午為陰陽之王氣也風土記曰王莽以皇后有

子通子午道從杜陵直抵終南

中橋渭水渡在縣北二十六里

嘉麥渭水渡在縣北二十六里

段留渭水渡在縣東北二十六里

北澧店澧水渡在縣西四十里

南澧店澧水渡在縣西四十五里

南山一名終南山在縣南七十里連乾祐縣界龍首山在縣北一十里三秦記曰龍首山長六十里頭入渭水尾達樊川頭高二十丈尾漸下可六十丈土赤不毛秦

時有黑龍從南山出飲渭水其行道因成土山

括地志曰今案

山首在長安故城中自漢築長安城及營宮殿咸已堙平其餘即今宮城之太倉以東是也

武將山長安記曰長安城西北有武將山即前漢末辛

孟所隱之處

少陵原在縣南四十里東接萬年縣界西入縣界五里

高陽原在縣西南二十里

細柳原在縣西南三十三里

尖丘在縣西北一十五里

今謂之尖丘社

渭水西從鄠縣界流入水經注曰渭又東過長安縣北封水從南來注之

豐水

一作鄠又作澧

出縣西南五十五里終南山豐谷其原濶

一十五步其下濶六十步水深三尺自鄠縣界來終縣界繇馬坊村入咸陽合渭水詩曰豐水東注維禹之績箋云昔堯時洪水而豐水亦汎濫為害禹治之使入渭東注于河禹之功也文王武王今得作邑於其旁地為

天下所同心而歸大王為之君乃由禹之功故引美之
豐邑在豐水之西鎬京在豐水之東詩又曰豐水有芑
武王豈不仕貽厥孫謀以燕翼子漢書曰漆沮既從豐
水攸同顏師古曰豐水出鄠之南山言沮水既從入渭
豐水亦同來也又張揖曰豐水出鄠南山豐谷北入渭
文子曰老子云豐水之深十仞而不受塵垢金鐵在中
形見於外決錄注曰鎬在豐水東鄠在鎬水西相去二
十五里水經注曰豐水出豐溪西北流分為二水一水

東北流為支津一水西北流又北交水自東入焉又北
昆明池水注之又北經靈臺西又北至石墩注于渭又
曰渭水東與豐水會矩陰山無他高山異巒唯原阜石
墩而已水上舊有便門橋括地志曰豐水渠今名賀蘭
渠東北流注交水

鎬水

或作
瀉

出縣西北十八里鎬池水經注曰鎬水上承

鎬池於昆明池北周武王之所都也故詩云考卜維王
宅是鎬京維龜正之武王成之鎬水又北流與漣池水

合又北經清泠臺西經磁石門注于渭帝王世紀曰今
鎬池即周之故都也廟記曰長安城西有鎬池在昆明
池北周匝二十一里盡地二十三頃史記曰始皇帝三
十六年使者從關東來夜過華陰望見素車白馬從華
山上下持璧與客曰為我遺鎬池君因言曰今年祖龍
死使者問其故因忽不見置其璧去使者奉璧具以聞
始皇默然良久曰山鬼不過知一歲事退言曰祖龍者人
之先也使御府視璧乃二十八年行渡江所沉璧也蘇

林曰祖始也龍人君象謂始皇也張晏曰武王居鎬鎬
池君則武王也師古曰鎬池在昆明池北後漢志曰鎬
在上林苑中孟康曰長安西南有鎬池古史考曰武王
遷鎬長安豐亭鎬池也皇覽曰文王周公象皆在鎬聚
東社中括地志曰今按鎬池水入北流入水通渠不至
磁石門亦不注渭矣今圖經瀉水在縣西四十
里其水自鄠縣界入本
縣界一十里入清渠

潏池水出縣西北二十里潏池詩曰潏池北流浸彼稻
田毛萇注曰潏流貌也鄭玄云豐鎬之間水北流也

括地

志曰今案其

池周十五步

潞水來自鄆縣界北流入渭

潞水在縣南十里東自萬年縣界流入

師古曰潞音缺交水

一作

郊東自萬年縣界流入水經注曰交水又西南流與豐

水支津合其北又有漢故渠出焉又西至塢分為二水

一水西流注豐一水自石塢北經細柳諸原北流入昆

明池

圖經曰郊河水在縣南三十二里自萬年縣界經本縣三十里合豐水

戲水水經注曰源出驪山坑谷水在縣南二十七里自

萬年縣界流經縣五里合交水

梗梓谷水出南山北流合潤國渠又西北豹林谷水入焉又西北流至縣東南三十里入交水豹林谷水出南山北流三里有竹谷水自南來會又北流二里有子午谷水自東來會自北以下亦謂之子午谷水

圖經豹林谷水子午

谷水今並入郊河

龍驤谷水合郊河

太河谷水合郊河

澧谷水合豐水

西北入城經西市而入苑坑水自南入焉有福堰下分
為二水流一里一水合交水一水西北流又東流為瀆
越沉水上過名永安瀆

清明渠東南自萬年縣流入西北流又屈而東北流入
京城

永通渠隋開皇四年開起縣西北渭水興城堰初名富
渠仁壽四年改

野韭澤即漢牛首池也在縣西北三十八里

漕河在縣南一十五里自萬年縣界來經縣界五里入于渭漢書武帝元光六年春穿漕渠通渭

龍首渠在縣東北五里自萬年縣界流入而注于渭

明渠漢時渠也水經注曰在長樂宮桂宮之間

清渠在縣西五十里自鄠縣界來經縣界一十里入于渭

漆渠在縣西一十里舊自縣之坑河分水經縣界二十

里入漕河漢書曰漢穿渠通漆水故曰漆渠

括地志曰胡亥將運

南山之漆而開此渠

永安渠隋文帝開皇三年開在縣南引交水西北入城經西市而入苑坵水自南入焉有福堰下分為二水流一里一水合交水一水西流又東流為瀆越沉水上過名永安瀆

漕渠唐天寶二年京兆尹韓朝宗引渭水入金光門置潭于西市以貯林木大厯元年尹黎幹自南山谷口開

漕渠抵景風延喜門入苑以漕薪炭

石閼堰在縣西南三十二里水經注曰交水西至石碣
漢武帝元狩三年穿昆明池所造

昆明池在縣西二十里今為民田

定昆池在縣西南十五里景龍文館記曰安樂公主西
莊在京城西延平門外二十里司農卿趙履溫種植將
作大匠楊務廉引流鑿沼延袤十數里時號定昆池通
典曰神龍中安樂公主恃寵請昆明池中宗不與主發

怒自以家財別穿池號曰定昆池

鶴池在縣西一十里

盤池在縣西北二十里

鴈鵞陂廟記曰在鎬池北地方六頃承昆明池下流河池陂水經注曰昆明故渠上承昆明池而東經河池陂而北亦曰女觀陂

雍門顏師古曰在長安西北尚孝里西南去長安三十里廣記曰趙父家在門西即鉤弋趙后父也長安故城

在縣西北十三里

下杜城在縣南一十五里其城周三里一百七十三步
春秋左氏傳晉范宣子曰昔句之祖在周為唐杜氏杜
預注曰周成王滅唐遷之於杜為杜伯國記曰周宣王
四十三年杜伯入為王卿士無罪而王殺之史記曰秦
武公十一年初縣杜即此地也括地志曰蓋宣王殺杜
伯以後子孫微弱附於秦及春秋後武公滅之為縣漢
宣帝時脩杜之東原為陵曰杜陵縣更名此為下杜城

廟記曰下杜城杜伯所築東有杜原城在底下故曰下

杜

杜伯冢在城之東南

秦阿房宮一名阿城在縣西二十里西北三面有牆南面無牆周五里一百四十步崇八尺上闊四尺五寸下濶一丈五尺今悉為民田十六國春秋曰苻堅建元二十年慕容沖據阿房城初民謠曰鳳皇鳳皇上阿房堅以鳳皇非梧桐不栖非竹實不食乃植桐竹數千萬株于阿城以待鳳皇之至沖小字鳳皇終為堅賊

漢未央改在縣西北一十四里石虎建武十一年廢
開利寺在縣南三十里皇甫村香積寺也永隆二年建
皇朝太平興國三年改今名

三會寺在縣西南二十里宮張村唐景龍中中宗幸寺
其地本倉頡造書堂皇朝太平興國三年改

大寧寺在縣西南五十里江留寺唐靈感寺也景龍二
年建皇朝太平興國三年改

興教院在縣南六十里梗梓谷口本百塔信行禪師塔

院唐大歷六年建皇朝太平興國三年改

巖福寺在縣南五十里董村唐咸通七年置本翠微下
院皇朝太平興國三年改

妙果尼寺在府西南舊為西臺寺唐御史臺也有崔湜
所撰御史臺精舍碑皇朝開寶中改石門山神廟在縣
西一十五里劉弼橋西

石炭堰神廟在縣西南四十里荆任村唐貞元十四年
置石父廟

石婆神廟並在縣西南三十五里昆明池石張衡西征賦曰昆明靈池黑水玄沚牽牛立其左織女處其右注云立牽牛織女於池之東西以象天河今石人宛在疑後人名石父石婆云

河伯廟在縣北二十六里中橋村

漢高祖廟在縣西四里班政坊皇朝開寶三年勅修雍侯廟在府城北街漢元年立秦王將分關中以章邯為雍王都廢丘自漢遷都長安而雍地無復侯王之名章

邯死廢丘而廟食長安亦雍之舊地又雍齒亦侯未知孰是安平公廟在府西街隋宇文愷封安平公文帝開皇中遷都城賞愷之功故廟食存焉

周穆王陵在縣西南二十五里張恭村

樗里子墓在縣東北長安故城中史記樗里子秦惠王之弟昭王七年卒葬於渭南章臺之東謂人曰後百歲當有天子之宮夾我墓也至漢興長樂宮在其東未央宮在其西武庫正直其墓秦人諺曰力則任鄙智則樗

里 樗里侯室在昭王廟西渭陰
鄉樗里故俗謂之樗里子

唐息隱太子陵在縣境

恭懿太子陵在高陽原

長安志卷十二